

Ўзбек адабиётининг атокли намояндаларидан бири Абдулхамид Сулаймон ўгли Юнусов — Чўлпон 1897 йилда Андижоннинг «Катортерак» махалласида зиёли оиласида дунёга келган. Онаси уй бекаси бўлган. Отаси Сулаймонкул мулла Мухаммад Юнус ўгли (1874-1929) дехкончилик, хунармандчилик, баззозлик билан шугулланган.

Таникли журналист, ёзувчи ва ўқитувчи Мўминжон Мухаммаджоновнинг (Мўмин кофир) «Турмуш уринишлари» китобида кайд этишича, Чўлпоннинг отаси Сулаймонкул ўз даврининг етук зиёлиси, маърифатпарвар кишиси бўлган. У «Расво» тахаллуси билан шеърлар ёзган. Мистик газаллар катори хаётбахш мисралар яратиб, «Девон» хам тузган.

Чўлпон аввал эски мактабда, сўнгра эса Авдижон ва Тошкентдаги обўли мадрасаларда таҳсил олиб, турк, араб, форс тилларини мукаммал ўзлаштиради. Шарк ижтимоий-сиёсий карашларидан озикланади. Фирдавсий, Саъдий, Хофиз, Дехлавий, Низомий, Умар Хайём, Алишер Навоий, Абдулла Тўқай каби буюк сўз санъаткорлари ижодини меҳр билан ўрганади. Шу билан бирга, Андижондаги рус-тузем мактабида рус тилини чукур ўзлаштириши натижасида жаҳон адабиёти дурдоналари билан якиндан танишиш имкониятига эга бўлади. Айни чогда Туркистонда 1905 йилларда камол топа бошлаган маърифатпарварлик йўналиши таъсирида шакллана борди. Махмудхўжа Бехбудий, Абдулла Авлоний каби атокли маърифат таргиботчилари ва ташкилотчиларига эргашди, маърифатчи адиб бўлиб шаклланди.

Чўлпоннинг ижоди 1913-1914 йиллардан бошланга бўлиб, у аввал «Каландар», «Мирзакаландар», «Андижонлик» ва нихоят Чўлпон (Тонг юлдузи) тахаллус билан ижод кила бошлади. У хам шоир, хам носир, хам драматург сифатида ўз халки адабиёти равнакига салмокли хисса кўшди. Унинг дастлабки асарлари «Садои Туркистон», «Садои Фаргона» каби махаллий рўзномаларда, шунингдек, Оренбургда чикадиган «Шўро» номли ойномада хам нашр этилади. Хусусан, Чўлпоннинг «Иштирокиён», «Кизил байрок», «Туркистон» хамда «Бухоро ахбори» каби рўзномалардаги фаолияти хам унинг ижодий шаклланишида маҳорат мактабл бўлиб хизмат этди.

Чўлпон очеркнавис ва публитсист сифатида хам баракали ижод дилди. 1914-1917 бошларда «Бахор овуллари», «Ўш», «Ватанимиз Туркистонда темир йўллар» хамда «Дўхтир Мухаммадиёр» асарларнда маданият ва маърифат таргиботчиси сифатида майдонга чикди. Октябр тўнтаришидан кейинги 1920-1924 йилларда хаётда содир бўлаётган хуш ва нохуш ўзгаришларни каламга олди. Унииг «Йўлда бир кундуз», «Йўлда бир кеч», «Шарк поезди келди», «Шарк уйгонган», «Чимкент», «Кутурган мустамлакачилар», «Йўл эсадалиги» сингари ўнлаб саёҳат очерклари ва публитсистик маколалари яратилди. Мазкур асарларда чоризм мустамлакачилари ва махаллий хоким синф етказган жабру жафо етмагандек, фукаролар уруши даври оғатлари, фожеалари, меҳнаткаш халкни яна бир бор жабрлаганлигини коралади.

Чўлпон 1922-1926 йилларда ўзининг «Тонг сирлари», «Уйгониш» ва «Булоклар» каби учта шеърий тўпламини нашр эттирди. 30-йилларга келиб «Соз» ва «Жўр» кабо шеърий

тўпламлари тайёрланди. Аммо «Соз»и чоп этилади-ю, «Жўр» тўплами катагонлик шамоли тузогига илиниб, колиб кетади. Шоир тўпламлари орасида «Булоклар» (1922) ажралиб туради. Унда шоир яхлит холда мазлум Шарк такдири фожеаси хакида ўз карашларини тўкиб солади. Тўплам беш бўлимдан иборат бўлиб, «Шарк учун», «Сезгилар», «Севги», «Кора йўллар» ва «Кор кўйнида» деб номланади. Шоирнинг ўзи кайд этишича, мазкур шеърий гулдаста «Жаҳон фотихлари чангалида эзилиб ёткон Шарк ўлкаларига багишданадир». Жумладан, «Амирнинг ўлими» шеърида шундай мисраларни ўкиймиз:

Кўнглимда йиглаган малаклар кимлар,
Шаркнинг оналари, жувонларими?
Каршимда инграган бу жонлар кимлар,
Куллар ўлкасининг инсонларими?

Чўлпон 1925 йилларга келиб «Мухит кучли экан, эгдим бўйнимни» дея ижод соҳасида карашларининг ўзгарганлигини эътироф этади. Унинг «Менинг товушим», «Куз», «Бузилган ўлкага», «Юпатмок истаги» каби дардчил шеърлари ёнига «Кизил байрок», «Халқ», «Кўзголиш», «Кор», «Бир тилла кўнгиз», «Япрок учун» каби умидли, армонли ва файзли шеърлари кўшилди. Шоир яратган икки юздан ортиқ шеърий асарлар ўз халки, юрти, бахти, келажаги, мустакиллиги, озодлиги хакидаги курашнинг адабий солномалариданdir.

Чўлпон етук лирик шоиргина эмас, иирик носир сифатида ўнлаб публицистик маколалар, очерк ва хикоялар, «Кор кўйнида лола», «Ёв» киссалари ва «Кеча ва кундуз» (1938) каби ажойиб романинг биринчи («Кеча») кисмини нашр эттирган истеъдодли адаб хамдир.

У драматург сифатида хам салмокли ижод килган. Унинг «Халил фаранг», «Чўрининг исёни» каби кичик пъесалари, «Ўрток Каршибоев», «Муштумзур» каби етук драмалари хамда кўп вакт сахнадан тушмаган «Ёркинай» пъесалари машхур бўлган. Шунингдек, рус ёзувчиси В. Ян билан хамкорликда «Хужум» драмасини яратган.

Чўлпон адабий танкид соҳасида «Шўро хукумати ва садои нафиса», «Адабиёт недур?» каби мазмунли маколалар хам яратган. Шунингдек, Чўлпон мохир таржимон сифатида М. Горкийнинг «Она», А. С. Пушкиннинг «Дубровский» киссаси ва «Борис Годунов» каби пъесаларини хамда В. Шекспирнинг машхур «Хамлет»ини ўзбекчага ўгирган.

Чўлпон хам Фитрат ва Абдулла Кодирий каби катагонлик сиёсати курбони бўлган. У 1937 йилнинг 14 июлида камокка олиниб, 1938 йилнинг 4 октябрида отиб ташланган. 1956 йилда окланиб, 1991 йилдагина биринчи бор «Яна олдим созимни» номи билан энг яхши шеърий асарлари тўплам холида нашр этилди. Кейинги бир жилдлик китобидан унинг кенгайтирилган таржимаи холи, (проф. О. Шарафиддинов) «Кеча ва кундуз» романи ўрин олган.

Хозирги кунда Чўлпон номида нашриёт, кўча, махалла, кутубхона ва мактаблар кўйилган. Унинг Фозила (1906), Фоика (1903) исмли кизлари ва набиралари Намангандаги яшайди.

Унга 1991 йил 25 сентябрда «Яна олдим созимни» кнтоби учун Алишер Навоий номидаги Ўзбекистон Республикаси Давлат мукофоти берилди.